



Cuira, ils 7 da settember 2023

Communicaziun a las medias

## **Uolf Candrian daventa promotur regional da la Lia Rumantscha**

**La Lia Rumantscha sa legra da beneventar Uolf Candrian sco nov collavuratur regional per la Surselva. El cumenza sia lavur l'october 2023. Uolf Candrian succeda a David Flepp ed Alice Bertogg che sortan tuts dus il settember 2023. In ulteriur pensum parzial en la promoziun regionala per la Surselva duai anc vegnir occupà.**

La Lia Rumantscha sa legra d'engaschar Uolf Candrian sco nov promotur regional e d'uschia cuntinuar la buna collavuraziun en Surselva cun la Surselva Romontscha sco era cun la politica ed il turissem en la region. Uolf Candrian cumplettescha la squadra da la Lia Rumantscha a partir da l'october 2023 cun in pensum da 70%. In ulteriur pensum da 40 - 50% en la promoziun regionala en Surselva duai anc vegnir occupà cun in'otra persuna. Uolf Candrian succeda a David Flepp ed Alice Bertogg che termineschan lur engaschament tar la Lia Rumantscha suenter diesch respectivamain tschintg onns.

Uolf Candrian (1992) è creschì si a Sagogn, nua ch'el è era sesent. Suenter la matura a Mustér ha el fatg a l'Universitad da Turitg in studi da master en analisa da cultura cun ils roms laterals culturas popularas e litteratura rumantscha. Uolf Candrian ha presidià la GiuRu (Giuventetgna Rumantscha), in'uniun affiliada da la Lia Rumantscha, ils onns 2015 fin 2021. El enonuscha bain il moviment rumantsch e la situaziun linguistica en Surselva, ma er en Svizra ed el è sa famigliarisà cun pliras cuminanzas linguisticas a l'exteriur.

Uolf Candrian cumplettescha la squadra da la Lia Rumantscha cun actualmain 22 collavuraturas e collavuratur en var 14 plazzas cumplainas en la sedia principala a Cuira ed en ils biros regionals a Glion, Savognin, Scuol e Vargistagn.